


PAMFLET

412



folio
W 391

Verhandelinghe bande

Unie/etewich verbont ende
eendracht.

Tusschen die Landen / Provincien / Steden
ende Leden van dien hier nae benoempt/bin-
nen die Stadt Vrecht ghesloten / ende
ghepubliceert banden Stadt Huyse
Den 29. Januarij/Anno M.
D. LXXII.



Na de Copye ghedruft t'Vtrecht, by Coenraedt Henricksz.

IN S'RAVEN-HAGHE,
By Hillebrandt Jacobsz, Ordinaris Drucker der
Heeren Staten Generael. 1607.

[Faint, mirrored text from the reverse side of the page, likely bleed-through from a printed or printed-and-written leaf. The text is largely illegible due to fading and mirroring.]

Alsoomen beuint dat zedert die Pacificatie tot Ghendt ge-
maect, byden welcke genoeg alle die Provincien van dese
Nederlanden hem verbonden hebben malcanderen met lijff ende
goet by te staen om die Spaengaerden ende andere Vutheemsche
Natiën met haren aenhanck vut dese Lande te verdriuen, de selue
Spaengaerden met Don Iohan d' Auëtrice ende andere haerluyder
Hooffden ende Capiteynen alle middelen gesocht hebben ende noch
dagelicx soecken om die voorsz Provincien, soo int gheheel als int
deel te brengē onder haer subiectie, tirānische regeringe en slauer-
nye: Ende die selue Provincien soo met Vvapenē als practijcke van-
den anderē te scheiden, dismembrerē, en die Vnie by die voorsz Pa-
cificatie gemaeft, te niet te doen ende te subuerteren tot vuterlicke
ruyne ende verderffnisse vande voorsz Landen ende Prouincien,
gelijck men metter daet beuint dat sylieden int voorsz voornemen
volherdēde noch onlancx eenige Stedē ende quartierē met Brieuen
gesolliciteert, eenige namelijcke, vande Lande van Gelre met Vva-
penen aengegrepen ende oueruallē hebben. SOO ist dat die vanden
Furstendomme van Gelre ende Graeffschappe Zutphē, die vanden
Graeffschappen ende Landen van Hollandt, Zeelandt, Vtrecht ende
Vriessche Ommelande, tusschē die Eems en Lauwers, geraetsaem
geuonden hebbē sich naerder ende particulierlijcker mettē anderen
te verbinden ende vereenigē, niet om hem vande voorsz generale
Vnie byde Pacificatie tot Ghendt gemaeft te scheiden, maer om die
selue noch meer te stercken, ende hem seluē te versien tegens alle in-
conuenientē daer inne sy soudē mogē vallen deur eenige practijcke,
aenslagē ofte geuult van haren Vyanden, om te vveten, hoe ende
in vvat manierē die voorsz Prouinciē hem in sulckē geualle sullen
hebben te dragen ende iegens tgeuult van hun Vyanden connen
beschermen: Ende om vorder separatie vande voorsz Prouincien
ende particulier Leden van dien te schouwen, blyuende anders
die voorsz generale Vnie ende Pacificatie van Gendt in vveerden:
Sijn dien volgende byde Ghedeputeerde vande voorsz Prouincien
volcomelijcken byden haren respectiue hier toe geauctoriseert, ge-
arresteert ende geslotē die Pointen ende Articulen hier naer vol-
gende, sonder in allen geualle hem by desen te vwillen ontrecken
van ofte vut den Heylighen Roomschen Rijcke.

I.

Ende eerst dat die voorsz Provincien sich metten anderen verbinden / confedereren ende vereenighen sullen / ghelijck sy hem verbinden / confedereren ende vereenighen midts desen ten ewighen daghe byden anderen te bliuen in alle forme ende manieren als oft splupden maer een Provincie waren / sonder dat de selue hem t' eeniger tijde vandē andrē sullen scheydē / laten scheydē oft separeren by Testamente / codicille / donatie / cessie / wisselinghe / vercoopinghe / tractaten van Peps / van Huwelick / noch om geen anderen oorsaken hoe dattet ghebeuren soude moghen / onbermindert nochtans eenen pghelicke Provincie ende die particulier Steden / Leden ende Inghesetenen van dien haerlupder speciale ende particuliere Privilegien / Vrijheden / Exemptions / Rechten / statuten / loffeliche ende welherghebrachte Costumen / vsantien / ende allen anderen haerlupder gherechticheden / waer inne splupden den anderen niet alleen gheen preiudicie / hinder oft leersel doen sullen / maer sullen den anderen daer inne niet alle behoorlike ende mogelike middelen / ja niet lijff ende goet (ist noot) helpen handt houden / stijuen ende stercken / beschudden / ende oock beschermen jeghens allen ende een pghelicke wie ende hoedanich die soude moghen wesen / die hem daer inne eenich datelicke inbrake soude willen doen : Welverstaende dat die questie die eenige vande voorsz Provincien / Leden ofte Steden van dese Onie wesende / metten anderen hebben ofte namaels soude moghen krijghen / noopende haerlupder particulier ende speciale Privilegien / Vrijheden / Exemptions / Rechten / statuten / loffeliche ende welherghebrachte Costumen / vsantien ende andere haerlieder gerechticheden / dat de selue by ordinaris Justitie / arbiters / of minnelick Accordt beslicht sullen worden / sonder dat d' andere Landen ofte Provincien / Steden ofte Leden van dien (soo langhe sich beyde partijen t' Recht submitteren) hem des sullen hebben te bemoeven / ten ware hem geliefde te intercederen tot Accordt.

II.

Item dat die voorsz Provincien in conformiteyt ende tot bul-treckinghe vande voorsz Genicheyt ende Verbant ghehouden sullen wesen malcanderen niet lijff / goet ende bloet by te staen jeghens alle sortsen ende ghewelden die hem pemant soude mogen aendoen / wt ende onder t' dersel vanden naem vande Con. Majesteit / oft van sijnent wegghen / het ware ter cause van t' Tractaet vande

bande Peps tot Gendt ghemaect/van dat sy die wapenen teghen
Don Johan d' Austrice aenghenomen/ den Eertz Hertoghe Ma-
thias tot Gouverneur ontfanghen hebben/ met alle tgeene datter
aencleeft/ van dependeert ofte wtghevolcht is / ofte wtvolghen sal
moghen / al waert oock onder coluer alleene bande Catholijcke
Roomsche Religie/ met wapenen te willen restabliffen / restau-
reren oft inboeren / oft oock van eenighe nieuwicheden ofte alte-
ratiën die binnen eenighe bande voorsz Provincien/ Steden/ ofte
Leden van dien zedert den Jare 1558. ghebeurt zijn / oft oock ter
cause van deser teghenwoordigher Unie en confederatie / ofte an-
dere dierghelijcke oorsaken / ende dit soo wel inghevalle men die
voorsz fortsen ende ghewelden soudē willen ghebruycken op een
bande voorsz Provincien/ Staten/ Steden ofte Leden van dien
alleen / als op allen int generael.

III.

Dat die voorsz Provincien oock ghehouden sullen wesen in
ghelijcke maniere malcanderen te assisteren ende helpen defende-
ren jeggens alle Wtheemische ende Intheemische Heeren/ Fursten
ofte Princen/ Landen/ Provincien/ Steden ofte Leden van dien
die hem int generael ofte particulier eenighe fortsen / ghewelden
ofte onghelyck soudē willen aendoen ofte Oorloghe maken:
Beheltelick dat die assistentie byde generaliteyt van dese Unie
ghedecerneert sal worden met kennisse ende nae ghelegghentheyt
vander sake.

IIII.

Item ende omme die voorsz Provincien/ Steden ende Leden
van dien beter jeggens alle macht te mogen versieren / dat die
Frontiersteden ende oock andere daermen des van noode binden
sal/zy van wat Provincien die zijn / by advijs ende ter ordonnan-
cie van dese ghevnierde Provincien sullen vast ghemaect ende
ghesterct worden tot costen bande Steden ende Provincien daer
inne die ghelegghen zijn/ midts hebbende daer toe assistentie bande
gheneraliteyt voorsz een helst : Beheltelijck dat soo verre byde
voorsz Provincien raetsaem bevonden wort eenighe nieuwe for-
ten ofte sterckten in eenighe bande voorsz Provincien te legghen/
ofte die nu legghen te veranderen ofte af te werpen/ dat die costen
daer toe van noode/ by alle die voorsz Provincien int generael
ghedraghen sullen worden.

V.

Ende omme te versien tot die costen diemen van noode hebben sal (ingheualle als bouen) tot defentie vande voorsz Prouincien/ is ouercomen dat in alle die voorsz ghebnieerde Prouincien eenpaerlick ende op eenen voet/tot ghemeen defentie der seluer Prouincien/ opghestelt / gheheuen ende openbaerlick den meest daer boor biestende/ van drie Maenden tot drie Maenden/ ofte eenighe andere bequame tijde / verpacht ofte gecollecteert sullen worden al omme binnen die voorsz ghebnieerde Prouincien/ Steden ende Leden van dien sekere Inposten op alderhande Wijnen / binnen ende buyten ghebroutwen Bieren / op tghemael van Coorn en Geyn/ op t' Sout / Gouden / Silueren / Zijden ende Wolle Lakenen/ op de Hoornbeesten ende besaende Landen/ op de Beesten die gheslacht worden/ Perden/ Ossen die vercoft ofte verpangelt worden op de goeden ter waghe comende/ ende alsulcke andere als men naermaels by ghemeyn aduijs ende consent goet binden sal / ende dat achtervolghende d' Ordonnantie diemen daer op concipieren ende maken sal / dat men oock hier toe employeren sal d' incomen vande Domeynen vande Conick. Majesteit / die lasten daer opstaende afghetoghen.

VJ.

Welcke middelen by ghemeen advise verhooght ende verleecht sullen worden / nae dat die noot ende ghelegghenheyt vander sake bereytschen sal / ende alleenlick verstrekt tot die ghemeeene defentie ende tot tghene die generaliteyt ghehouden sal wesen te draghen / sonder dat de selue middelen tot eenighe andere saken sullen moghen worden bekeert.

VJJ.

Dat die voorsz Frontiersteden / ende oock andere / als die noot bereytschen sal t' allen tijden ghehouden sullen wesen te ontfangen alsulcke Garnisoenen als die selue ghebnieerde Prouincien goet binden / ende hemlynden by aduijs vanden Gouverneur vande Prouincie daer t' Garnisoen gheleydt sal worden / ordonneren sullen/sonder dat sy des sullen moghen weygeren: Welverstaende dat die voorsz Garnisoenen byde voorsz ghebnieerde Prouincien betaelt sullen worden van haerlynder soldye / ende dat die Capiteynen ende Soldaten / boouen den generalen Eedt particulierlick die Stadt ofte Stede ende Prouincie daer inne die gheleyt sullen worden / Eedt doen sullen / ende dat tselue te dien eynde in haer-

haerlieder Artickel brief ghestelt sal worden / datmen oock alsulchs
ordze stellen ende discipline onder den Soldaten houden sal / dat
die Borghers ende Inwoonders bande Steden ende platte Lan-
den / soo wel Gheestelick als Weerlick / daer by bouen die rede-
nen niet beswaert worden / noch eenighe ouerlast lijden sullen /
ende en sullen die voorsz Garnisoenen van gheenen Excijs ofte
Impost meerder exempt wesen als die Borghers ende Inwoon-
ders bande plaetse daer die ghelept sullen worden / mids dat
oock den selven Borghers ende Inwoonders by de generaliteyt
logijs ghelt verstrekt sal worden / ghelijck tot noch toe in Holland
ghebruyckt is.

IIII.

Ende ten eynde men callen tijden sal moghen gheassisteert we-
sen bande Inwoonders vanden Landen / sullen d' Ingheserenen
van elcke van dese ghemieerde Provincien / Steden ende platte
Landen binnen den tijt van een Maendt / nae date van desen ten
lancresten ghemonstert ende opgheschreuen worden / te weten die
gheene die zijn tusschen 18. ende 60. jaren / om die hoofden ende tge-
tal van die gheweten zijnde / daer naer ter eerster tsamen compste
van dese Bontghenoten vorder gheordonneert te worden / als tot
die meeste bescherminghe ende versekertheyt van dese ghemieerde
Landen beuonden sal worden te dienen.

IIII.

Item salmen gheen Accord van bestant ofte Weps maken/
noch Oorloghe aenbeerden / noch eenighe Inposten of contri-
butie instellen / die generaliteyt van desen verbande aengaende /
dan niet ghemeen aduys ende consent bande voorsz Provincien /
maer in andere saken tbeleydt van deser confederatie ende t' ghene
daer van dependeert ende welvolghen sal aengaende / salmen hem
reguleren nae tghene gheadviseert ende ghesloten sal worden by
meeste stemmen bande Provincien in desen verbonde begrepen
die ghecolligeert sullen worden sulcx als men tot noch toe inde ghe-
neraliteyt bande Staten heeft ghebruyckt / ende dit by prouisie
tot dat anders sal worden gheordonneert by ghemeen aduys van
de Bontghenoten / behelstelick : dat oft ghebeurden dat die Pro-
vincien in saken van bestandt / Weps / Oorloghe / ofte contributie
niet den anderen niet accorderen en condon / sal t' gheschil ghere-
fereert ende ghesubmitteert worden by prouisie aende Heeren
Stadthouders bande voorsz ghemieerde Provincien nu ter tijt
wesende /

wesende/ die tvoorſz gheſchil tuſſchen partijen ſullen vergheelijcken
oft daer van wtſpreken / ſulcx als ſluyden bevinden ſullen inder
billicheyt te behooren. Welverſtaende / indien de ſelve Heeren
Stadthouders daer inne niet en ſoude comen verdraghjen / ſullen
tot hemluyden nemmen ende verkieſen alſulcke onpartijdighe aſſeſ-
ſeurs oft adioncten / als hemluyden goetduncken ſal / ende ſullen
partijen ghehouden weſen na te comen tghene byde voorſz Heeren
Stadthouders/in manieren als boven / wtgheſproken ſal weſen.

¶

Dat gheen van deſe voorſz Provincien/Steden ofte Leden van
dien eenighe confederatien ofte verbonden met eenighe nabuer
Heeren ofte Landen ſullen moghen maken ſonder conſent van de-
ſe gheunieerde Provincien ende Bondtghenoten.

¶ I.

Des es overcomen dat ſoo verre eenighe nabuer Furſten / Hee-
ren/Landen ofte Steden ſich niet deſe voorſz Provincien begeer-
den te vnieren / ende hun in deſe confederatie te begheben / dat ſy
daer toe by ghemeen advijs ende conſent van deſe Provincien ont-
fanghen ſullen moghen worden.

¶ I I.

Dat die voorſz Provincien ghehouden ſullen zijn ſich metten
anderen te conformeren int ſtuck vander Munte / te weren inden
cours vanden Gelde/naer wtwiſſen ſulcke Ordonnancien als men
daer op metten alder eerſten maken ſal/de welcke deen ſonder dan-
der niet en ſal moghen veranderen.

¶ I I I.

Ende ſoo veel tpoinct vande Religie aengaet / ſullen hem die
van Hollandt ende Zeelandt draghen nae haerlieder goet dunc-
ken / ende dandere provincien van deſer Vnie ſullen hem moghen
reguleren nae inhoudt vande Religions vrede by de Certz-Herto-
ghe Mathias / Gouverneur ende Capitayn generael van deſe
Landen/met die van zynen Rade by advijs vande generale Sta-
ten alreede gheconcipteert / ofte daer inne generalijck ofte particu-
lierlijck alſulcke ordze ſtellen als zy tot ruſt ende welbaert vande
Provincien / Steden ende particulier Leden van dien / ende con-
ſervatie van een peghelick Gheefſtelick ende Weerlick / zijn goet
ende gherechticheydt dienlijck vinden ſullen / ſonder dat hem hier
inne by eenighe andere Provincien eenich hinder oft beledt ghe-
daen zal moghen worden / midts dat een peder particular in zijn
Religie

Religie by sal moghen blyben/ ende datmen niemant ter cause
vande Religie zal moghen achterhalen ofte ondersoeken/volghen,
de die voorsz Pacificatie tot Ghendt ghemaect.

¶ IIII.

Item zalmen alle Conventualen ende die vande Gheestelijcheit/
volghende de Pacificatie / laten volghen hun goeden dies in een-
ghe van dese ghevnierde Provincien reciproquelyck hebben leg-
ghende / midts dat indien eenighe Gheestelijcke personen wten
Provincien die gheduerende d' Oorloghe tusschen die Landen van
Hollandt ende Zeelandt/ teghens die Spaengiaerden/ stonden on-
der tgh gebiedt vande selve Spaengiaerden/ hem begheven hadden
wt huere Cloosteren ofte Collegien / onder tgh gebiedt van die van
Hollandt ofte Zeelandt / datmen die by hun Conventen ofte Col-
legien zal doen versien van behoortijcke Alimentatie ende onder-
houdt hun leuen gheduerende / als oock ghedaen sal worden die
ghene die wt Hollandt ende Zeelandt in eenighe vanden ander-
en Provincien van dese Unie vertooghen ende hem onthoudende
zijn.

¶ V.

Dat mede den ghenen die in eenighe Cloosteren oft Gheeste-
lijcke Collegien van dese ghevnierde Landen zijn ofte gheweest
hebben / ende die selve wt saken van die Religie ofte andere rede-
lijcke oorsaken begheeren te verlaten ofte verlaten hebben / wt den
Incompst van haren Conventen ofte Collegien haer leuen langh
gheduerende behoortijcke Alimentatie zal worden verstreckt naer
gheleghentheyt vande goeden : Welverstaende dat die naer date
van desen hem in eenighe Cloosteren sullen begheuen / ende de sel-
ve wederom verlaten / egheen Alimentatie verstreckt sal worden /
maer sullen tot haren behoefte naer hem moghen nemen tghene
si daer inne ghebrocht hebben. Dat oock die ghene die jeghen-
woordelijcke in die Conventen ofte Collegien zijn ofte naemaels
commen sullen/ byghedt ende liberteyt van Religie ende oock van
cleederen ende habijt hebben sullen. Beheltelijcken dat spluyden
den Oversten vanden Conventen in allen anderen saken onder-
danich sullen zijn.

¶ VI.

Ende oft ghebeurden (dat Godt verhoeden moet) dat tusschen
die voorsz Provincien eenich onberstant / twist ofte tweedracht
ghebiele / daer inne spluyden den anderen niet en conde verstaen /

25

dat

dat het selue/soo verre het eenighe bande Provincien int particulier aenghaet) ter neder gheleydt ende besicht sal worden by den anderen Provincien / off den ghenen die yn daer toe deputeren sullen: Ende soo verre die sake alle die Provincien int generael aengaet/ byde Heeren Stadthouders bande Prouincien in manieren als bouen int 9. Artikel verhaelt / de welcke ghehouden sullen zijn partien recht te doen oft te vergheleicken binnen een Maent (ofte coztter / soo verre den noot vander sake sulcx wt eytscht) naer interpellatie ofte versoek by deen oft dandere partye daer toe ghedaen / ende wes byde voorsz anderen Prouincien ofte haerlynder Ghedeputererden ofte die voorsz Heeren Stadthouders/ alsoo wtghesproken wort / sal nagegaen ende achtervolcht worden/ sonder dat daer van wyder beroep ofte andere prouisie van rechten tyn van appel/relief/ reuissie / nulliteyt / ofte eenighe andere querelen hoedanich die souden moghen wesen / versocht ofte ghebruyckt sullen moghen worden.

¶ V I I I.

Dat die voorsz Provincien / Steden ende Leden van dien hem wachten sullen van wttheemische Fursten / Heeren / Landen ofte Steden eenighe occasie te ghenen van Oorloghen / ende sulcx om alle alsulcke occasien te vermijden/ sullen die voorsz Prouincie/ Steden ende Leden van dien ghehouden wesen/soo wel den Wttheemischen als Inghesetenen bande voorsz Prouincien t'administreren goet recht ende justicie : Ende soo verre yemant van hem daer van in ghebreken blijft/ sullen die andere Bontghenooten die hant holden by alle behoorlycke wegghen ende middelen dat sulcx ghedaen sal worden/ ende dat alle abusen/daer door sulcx belet ende die justicie deur verachttert soude moghen worden/ ghecorrigeert ende ghereformieert sullen worden / als nae rechten ende vermoeghens een peder zijn Priuilegien/loffelijcke ende wel hergebrachte costumen.

¶ V I I I.

Item en sal deene bande gheunierde Provincien/ Steden / ofte Leden van dien tot laste ende preiudicie van d'andere ende sonder ghemeen consent gheen Inposten/ conboy ghelden / noch andere dierghelijcke lasten moeghen op stellen / noch eenighe van dese Bontghenooten hoogher moghen beswaren/ dat hun eyghen Inghesetenen.

¶ I I I.

Item onnime iegghens alle opcomende saken ende zwaaricheden te ver-

te versien / sullen die Bontghenooten ghehouden wesen op de beschrijvinghe vanden gheenen die daer toe gheautorizeert sullen zijn binnen Vrecht te compareren tot sulcken daghe als hem aengheschreuen sal wesen / omme op de voorsz saken ende swaricheden diemen inde brieuen van beschrijvinghe sal exprimeren / soo verre des moghelijck es / ende die sake niet secrete en dient ghehouden te wesen / by ghemeen aduijs ende consent / ofte byde meeste stemmen in manieren voorsz ghedelibereert ende gheresolueert te worden / al waert oock eenighe niet en compareerden / in welcken gheualle sullen d'andere / die verschijnen sullen euen wel moghen procederen tot sluytinghe van tghene sy beuinden sullen tot het ghemeen beste van dese ghebnieerde Landen ende Prouincien te dienen / ende sal tgheene alsoo gheslooten is / onderhouden worden oock byde gheenen die niet ghecompareert sullen wesen / ten ware die saken seer wichtich waren / en eenich vertreck mochten lijden / in welcken gheualle men den gheenen die niet ghecompareert en sullen zijn / andermael beschrijven sal omme te compareren op sekere andere daghe / op t' verbeuren van haerliedder stemme voorsz die repse / ende wes als van byde gheenen die present zijn gheslooten wort / sal bundich zijn ende van weerden ghehouden worden / niet teghenstaende d'absentie van eenighe van d' andere Prouincien / beheltelijck dat die niet ghelegghen en sal zijn te compareren / haerliedder opinie schriftelijck ouer sullen moghen seyn den / omme daer op int collecteren vander stemmen sulcken regart ghenomen te worden alst behoort.

¶¶.

Item ten eynde voorsz sullen allen ende een yeder vande voorsz Bontghenooten ghehouden zijn alle saken die hem opcomen ende voornallen sullen / ende daer aen sy hem sullen laten duncken tghemeen wel oft qualijck baren van dese ghebnieerde Landen ende Bontghenooten ghelegghen te zijn den gheenen die tot die beschrijvinghe gheautorizeert sullen zijn ouer te schrijven / omme byden seluen daer op d' andere Prouincien beschreuen te worden / in manieren voorsz.

¶¶¶.

Ende soo verre eenighe donckerheyt ofte twijfelachticheyt in desen beuonden worden daer wt eenighe questie ofte dispute mochte verrijsen / sal d' interpretatie van dien staen int segghen van dese Bontghenooten / die daer op by ghemeen aduijs ende

B

2

consent

consent ordonneren sullen / sulcx sy beuinden sullen te behooren.
Ende soo verre slypden daer inme niet en condon accorderen/
sullen haer recours nemen tot die Heeren Stadthouders banden
Provincien / inde forme bouen verhaelt.

¶¶¶¶.

Insghelijck / soo verre beuonden worden van noode te zijn
d' Articulen van dese Unie / Confederatie ofte Verbont in eenige
Poincten ofte Articulen te vermeerderen ofte veranderen / sal
tselbe oock ghedaen worden by gemeen aduijs ende consent van
de voorsz Bontghenoten / ende anders niet.

¶¶¶¶.

Alle welcke Poincten ende Articulen / ende een yder vandien
bysonder die voorsz ghevnieerde provincien beloofst hebben ende
belouen mits desen na te gaen en te achtervolgen / doen na gaen
en achtervolgen / sonder daer jegens te doen / doen doen / noch ge-
dogen gedaen te worden / directelick oft indirectelick / in eenighe
wijse ofte manieren. Ende soo verre yet wes by pement ter con-
trarie ghedaen ofte gheattenteert worden / tselve verclaren slyp-
den van nu alsdan nul / egheen ende van onweerden / daer onder
sy verbinden haerlieder en alle d' Ingesetenen van haerlypder
respectie Provincien / Steden en Leden vandien / personen en
goederen / omme de selue ingeballe van contrauentie voorsz on-
derhout van dese / niet tghene daer van dependeert / gearresteert /
ghehouden / ende becommert te moghen worden tallen plaetsen
en by allen Heeren / Rechteren en Gherechten daer men die sal
commen ofte moghen becommen : En vertpen te dien eynde van
allen exceptien / gratien / priuilegien / releuamenten / en generalick
van allen anderen beneficien van Rechten / die hemlypde eenich-
sins ter contrarie van desen souden moghen dienen / en bysonder
den rechten / seggende / generale renunciatie gheen plaets te heb-
ben / daer en sy eerst speciael voorsz ghegaen.

¶¶¶¶.

Ende tot meerder vasticheyt / sullen die Heeren Stadthou-
ders vande voorsz Provincien die nu zijn oft namaels commen
sullen / nitsgaders alle die Magistraten en hooft Officiers van
pghelick Provincien / Stadt ofte Leden van dien dese Unie ende
Confederatie / ende een yder Artikel van dien int bysonder / by
Eede moeten belouen naer te sullen gaen ende onderhouden /
doen nae gaen ende onderhouden.

Inge

¶¶¶.

Inſghelijcx ſullen de ſelue by Ede moeten beloouen te onderhouden alle Schutterijen / Broederschappen ende Collegien die in eenighe Steden ofte Plecken van deſe Onie zijn.

¶¶¶.

Ende ſullen hier van ghemaectt worden brieuen in behoorlijcke forme die by Heeren Stadthouders ende die voornomſte Leden ende Steden vande Prouincien daer toe ſpecialick byde andere gherequireert ende verſocht zijnde / bezegelt ende by haerlynder reſpectiue Secretariſen ondertekent ſullen worden.

Deſe voorsz Poincten ende Articulen zijn byde Ghedeputeerden vanden Landſchappe van Gelre ende Graeſſchappe Zutphen onderſchreuen / ende namentlick by mijn Heere Graef Johan van Naſſauw / Stadthouder vande ſelue Landen / voorsz hem ſeluen ende met d' andere ghecommitteerden wten naem vande ghemeen Ridderſchap vande voorsz Furſtendonnie van Gelre ende Graeſſchappe Zutphen / mitſgaders byde Ghedeputeerde van Hollandt / Zeelandt / Vtrecht / ende Ommelanden voorsz binnen Vtrecht vergadert / en gheautoziſeert als bouen / wterlick gearreſteert ende geſloten : Des hebben die voorsz Gedeputeerden vanden Lande van Gelre en Graeſſchappe Zutphen / omme vorder verclaringhe vande Banreheeren / groot en cleyne Steden vanden voorsz Furſtendonnie en Graeſſchappe te doen dach genomen tot den 9. Februarij toecomende / ende dat binnen der Stadt Vtrecht aen die Ghecommitteerden vande Staten aldaer. Aldus gedaen t Vtrecht opten 23. Januarij 1579. onder die handen van mijn Genadige Heere die Stadthouder voorsz en den voorsz Gedeputeerden ter meerder verſekerthz hier onder gheſtelt / ende was ondertekent Johan Graef zu Naſſau / Carzenelleboge / etc. Van wegen die Ridderſchappe des Furſtendoms Gelre en Graeſſchappe Zutphen / Alexander van Tellich / Gelis Dieck / Joachim van Liere / Alexander Bentinck : Van wegen die van Hollandt / G. Poelgeest / P. Buijs / Kepnier Cant : Van wegen die Staten van Zeelandt / Willem Roelſius / Nicolaes Blancx / Pieter de Rycke / Caspar van Vosbergen : Van wegen die Staten van Vtrecht / Auſonius van Galama / de mandato Capituli ſui Schoore / Iacobus Verhaer / Vicedecanus Sancti Petri / de mandato Capitula : Adriaen van Zuplen /

B. 3.

Lam

Lambertus vander Burch/Capitulo iubente: J. de Woten Eng/
Reynhart van Azwijne/ Bartholomeus vanden Wael/ Nico-
laes van Zuplen/ A. D. Leyden/ Lubbert van Cleeff: Van we-
gen die Staten der Omlanden/ Egbert Clande/ E. Jarges.

Ghecollationeert teghens die originele betckende
Onie / is dese Copie beuonden daer mede
t' accorderen / by my Lamzweerde.

Verclaringhe vant 13. Artikel.

Alsoo eenighe schijnen zwaricheyt te maken opt 13. Artikel
vande Onie den 23. deser Maendt ghelooten tusschen die Gede-
puteerden vanden Landen van Geldre en Zutphen/ Hollandt/
Zeelandt/ Utrecht ende Ommelanden/ tusschen die Genis ende
Lutwers/ als of die meyninghe ende intentie ware gheweest/
niemandt inde selue Onie te ontfanghen/ dan die ghenen die der
Religions vrede byde Eertzhertoghe van Oostenrijck en Rade
vander Staten neffens hem by aduys vande ghenerale Staten
gherconcipieert is oft ten minsten die beyde die Religien/ te weten
die Catholijcke Roomsche ende Ghereformeerde soudentoe-
lasten. Soo ist dat die voorsz Ghedeputeerden die ouer die voorsz
Onie ghestaen ende de selue gheloten hebben/ omme alle mis-
verstant ende wantroutwe wech te nemen/ by desen wel hebben
willen verclaren haerliedermeyninghe ende intentie niet ghe-
weest te zijn noch als noch te wesen/ eenighe Steden ofte Pro-
vincien/ die sich aende voorsz Catholijcke Roomsche Religie al-
leene sullen willen houden/ ende daer tghetal vande Inwoonde-
ren der seluer vande Ghereformeerde Religie soo groot niet en
is/ dat sy vermoghens die voorsz Religions vrede het exercitie
vande Ghereformeerde Religie soude moghen ghenieten/ vande
voorsz Onie ende verbijntensse wt te willen slypen: Nemaer
dat sy des niet teghenstaende bereypt sullen wesen alsulcke Ste-
den ende Prouincien die sich alleen aende voorsz Roomsche Re-
ligie sullen willen houden in dese Onie te ontfanghen/ by soo ver-
re sy sich anders inde andere Poincten en Articulen vande voorsz
Onie soude willen verbinden ende als goede Patrioten draghen/
soo die meyninghe niet en is dat d'een Prouincie oft Stad hem
tseft van d'andere int point vande Religie sal onderwinden/ en
dit om te meerder vrede en eendracht tusschen die Prouincien te
houden/

houden/ende die principaelste occasie van twist ende tweedracht te vermijden ende ewech te nemen: Aldus ghedaen t'Vrecht den eersten Februarij 1579.

Ampliatie vant 15. Artikel.

Alsoo hier vooren int 15. Artikel versien es tot alimentatie ende onderhout vande Gheestelijcke personen die gheweest zijn in eenighe Conventen ofte Collegien/ende hem daer wt ter cause vande Religie ofte andere redelijcke oorsake begheven hebben / ofte naemaels begheuen sullen / ende dat seer te beduchten es / dat ter oorsaken van dien eenighe processen soude moghen verrijzen / ghelijc sy verstaen dat alreede verresen zijn/ wt sake dat alsulcke personē sullen willen pretenderen gherechtich te zijn inde successie vande goeden van hun Ouders / Broederen / Susteren / ende anderen vrienden ofte maghen metter doot achterghelaten / ofte noch achter te laten / ende oock die ghene die slieden in hun leuen by tijtel van gifte / transporte ofte eenighe andere soude moghen ouerdraghen/ ghealieneert ofte oock naer hun doot versekert hebben: Soo ist dat die voorsz Bondtgenoten / om die selve processen ende die swaricheden die daer wt soude moghen opstaen/ te verhoeden/ goet ghebonden hebben alle die processen die ter cause voorsz alreede gheinstitueert zijn ende noch naemaels gheinstitueert sullen mogen worden te suspenderen in state ende surceantie te houden/ ter tijt toe anders byde voorsz Bontghenoten ende andere die hen in dese eenicheyt ende verbande sullen moghen begheven generalick daer op (oock by d'autoriteit van d'Overhept ist noot) gheordonneert ende verclaringhe ghedaensal zijn: Aldus ghedaen byde voorsz Gedeputeerden opten 1. Februarij 1579. ende was gheteekent Lamzweerde.

Op huyden den 4. Februarij 1579. zijn inde vergaderinghe vande voorsz Ghedeputeerden binnen Vrecht versaemt / ghecompareert die Ghedeputeerden van Ghent onderschreven / ende hebben verclaert dat slynden gheuisteert hebbende die poincten ende articulen vande voorsz Unie/ ende tghene in crachte van dien border gebefoigneert is gheweest/ tselue goet vonden / ende hebben de selve alsulckx in crachte van haerlypder brieuen van credentie / speciale procuratie ende instructie ghedateert den 27. Januarij / 1579. gheaduopeert/geapprobeert ende geratificeert/ belouende als dandere Bontghenoten de selue ende yder poinct van dien bysonder tonderhouden / naer te gaen ende te achteruolghen: Des
r'oorz

toirconden hebben die voorsz Ghe-deputeerden haerlieder handen hier onder ghestelt ten Dage/ Maende ende Jare als boven/ ende was ondertekent van weghen die van Ghent/ Adolf de Grutere/ Lieuin Tapart/ Christoffel de le Becque/ Lucas Mapart.

Op hynden den 5. Martij 1579. zijn inde vergaderinghe bande voorsz Gedeputeerden binnen Vtrecht vergadert/ ghecompareert die Ghe-deputeerden bande ghemeenne Ritterschappe des Nymegschen quartiers/ mitsgaders bande Stadt Nymegen/ ende hebben verclaert dat slynden ghevisiteert hebben die Poincten ende Articulen bande voorsz Onie/ ende t'ghene in cracht van dien vorder is ghebesoigneert gheweest/ tselve goet gebonden/ ende hebben die selve alsulcx in cracht van haerlieder instruction met des voorsz Stadts Nymeghens secreet Segel beseghelt in date den 12. Februarij 1579. gheaduoneert/ gheapprobeert ende gheratificeert: aduoneren/etc. mits desen: belouende als d'andere Bontghenoten de selue ende peder Poinct van dien bysonder tonderhouden/ nae te gaen ende achtervolghen: Des toirconde hebben die voorsz Gedeputeerden des ghemeen Ritterschaps des Stadts ende Nymegschen quartiers haerlieder handen hier onder ghestelt ten Dage/ Maende ende Jare als boven/ en was ondertekent Gelis Dieck/ Jan Kelsken/ Aert van Zeller/ Dirck Flemming/ Lambert Jansz/ Johan bande Haue.

Op hynden den 9. Martij 1579. Is ghecompareert inde vergaderinghe bande voorsz Gedeputeerden binnen Vtrecht vergadert die Gedeputeerde bande ghemeen Ritterschap hooft ende cleyne Steden des Arnhemischen quartiers/ ende heeft verclaert dat hy geuisciteert heeft die Poincten ende Articulen bande voorsz Onie/ ende t'ghene in crachte van dien vorder is ghebesoigneert gheweest/ tselve goet ghebonden ende heeft de selve alsulcx in cracht van zijne brieven van credentie in date den 18. ende van sekere Instruction in date den 16. Februarij 79. beyde met des Stadts van Arnhems secreet Segel besegelt/ naer lange en rijpe deliberatie geaduoneert/ gheapprobeert ende gheratificeert: aduoneert/etc. mits desen/ belouende in qualite als vooren/ als dandere Bontghenoten/ de selve en pder Poinct van dien bysonder tonderhouden/ na te gaen en achtervolghen: Des toirconde heeft de voorsz Ghe-deputeerde des ghemeen Ritterschaps hooft ende cleyne Steden des Arnhemischen quartiers sijn hant hier onder ghestelt ten daghe/maent ende Jare als boven/ ende was ondertekent Alexander Bentinck.

Op

Op hynden den 23. Martij 1579. sijn ghecompareert inde vergaderinghe vande voorsz Ghe deputeerden vande Ghebnieerde Provincien binnen Vrecht vergadert/ die Ghe deputeerden vande Steden Leuwerden/ Sneeck/ Franiker/ en van sekere Grietmans ende Grietenijen met eenighe particuliere Edelen vanden Landen van Vrielandt in haerliedder procuratie benoempt. Ende hebben verclaert dat sy ghevisiteert hebbende die poincten ende Articulen vande voorsz Vnie/ ende tghene in cracht van dien is voorder ghebefoigneert gheweest/ tselue goet vonden: En hebben die selue al sulcx in crachte vande voorsz haerliedder procuratie in date den 12. Martij 1579. gheadboveert/ geapprobeert en gheratificeert: adboveren/ approberen ende ratificeren mits desen/ belovende als d' andere Bontghenoten die selue ende ijder poinct van dien bysonder te onderhouden/ nae te gaen ende te achtervolgen: Des t' oirconde hebben die voorsz Ghe deputeerden vande voorsz Steden Leuwaerden/ Sneeck/ Franiker/ ende van sekere Grietmans ende Grietenijen/ met eenighe particuliere Edelen vanden Landen van Vrielandt haerliedder handen hier onder ghestelt ten daghe/ Jaer ende Maendt als bouen: ende was ondertekent B. Idzaerda/ Jelle Sibesz.

Op hynden den 11. Aprilis 1579. sijn ghecompareert inde vergaderinghe vande voorsz Ghe deputeerden vande ghebnieerde Provincien binnen Vrecht vergadert die Ghe deputeerden vande stadt van Venlo/ namentlich: Geraert van Lohn/ Herman de Laet Cornelissen Schepenen/ Jacob Gozis Raet/ vnd Johan de Groot/ als Ghe deputeerden vande ghemence aldaer/ ende hebben verclaert dat sy ghevisiteert hebbende die poincten ende Articulen vande voorsz Vnie/ ende tghene in crachte van dien is voorder ghebefoigneert gheweest tselue goet ghevonden/ ende hebben die selue alsulcx in crachte van haerliedder Instructie in date den 3. Aprilis 1579. gheadboveert/ gheapprobeert ende gheratificeert: adboveren/ approberen ende ratificeren mits desen/ belovende als d' andere Bontghenooten de selue ende ijder poinct vanden bysonder t' onderhouden/ nae te gaen ende t' achtervolghen: Des t' oirconde hebben die voorsz Ghe deputeerden vande voorsz stede van Venlo haerliedder handen hier onder ghestelt ten daghe/ Jaer ende Maent als bouen: Ende was ondertekent Geraert van Lohn/ Herman de Laet Cornelissen/ Jacob Gozis/ Johan de Groot.

C

Alsoo

Alsoo sijn Excellentie tot conseruatie ende handthoudinghe der
ghemeenen welvaert/ Rechten ende Vrijheden der Nederlanden
altijts oorbaerlich ende noodich beuonden heeft alle goede vrient-
schap / eenicheyt ende eendracht onder die Prouincien der seluer
Landen oock dye Steden ende besondere Leden van dien on-
derhouden te worden / waer deur niet alleenlijck de ghemeene
Opant niet meerder ghewelt / ghemeene macht ende onderlinghe
hystant / wederghestaen ende afgeweert : maer hem oock die mid-
delen benomen soude worden van tusschen die selue Prouincien
Steden ofte Leden van dien eenich onverstant ofte tweedracht
te saken of te maken dooz oorfake soo bande onderschept vande
Religie als anders : Soo ist dat sijn Excell. ghesien hebbende se-
kere Vnie ende verbont t' Utrecht in Januario leffleden gemaect
ende besloten / tusschen den welghebozen Heere Graef Johan van
Passau / Stadtholder vanden Furstendomme Gelre en Graef-
schap Zutphen / oock die van Hollandt / Zeelandt / Utrecht ende
der Vriesscher Onlanden tusschen die Gemis ende Lauwers / die
selue Vnie ende verbont vooz goet heeft beuonden ende toeghe-
staen / doch op dat die selue dies te beter ende met bequamer oor-
fake ende ghelegghencheyt mochten der generaliteyt der Prouin-
cien van herwertsouer voorgehelt worden / om tot een algemeene
vrede / vnie ende eendrachticheyt ouer die gansche Landen niet
ghemeene verwillinghe aenghenomen ende besloten te worden /
heeft tot noch toe wtghestelt ende opgehouden bande selue Vnie
t' onderschrijven / ende alsoo nu sijne Hoocheyt niet een groot deel
der voorsz Prouincien van herwertsouere verclaert hebben dat sy
vooz goet insien ende beuinden raetsaem te wesen / dat een alsoda-
nighe Vnie soude geraemt / besloten ende aengenomen worden tot
beter beleydinge der saken onses ghemeene Vaderlandts. Soo
heeft sijn Excell. nu oock wel willen verclaren / als hy midts dese
verclaert die voorsz Vnie alse t' Utrecht tusschen die voorsz Pro-
vincien gemaect ende besloten is geweest / vooz goet aen te nemen
ende te houden / alsoo hyse aenneemt ende vooz goet hout / als vooz-
seker achtende dat inde selue d' Ouerheyt ende d' auctoriteyt der
Hoocheyt vande Certzherdoghe niet vercozt noch verminderd en
wozt / ende alsoo binnen corten daghen de voorsz ghebnieerde haer
sullen vergaderen om vorder ouer alle particuliere Poincten ende
Articulē der seluer Vnie te ramen en te besluypen tgene tot meerder
en vaster eendracht der seluer sal mogē diene. So ist dat sijn Excel.
oock

ook hter mede verclaert te willen de selue Artikelen ende Poincten aennemen ende achtervolghen alsoo sy vande voorsz Prouincien van Gelderlandt / Hollandt / Zeelandt / Vtrecht / ende andere die haer daer mede sullen begheuen / sullen gheraemt / ghesloten ende vooz goet aenghenomen worden / Des toirconde heeft zijn Excel. dese met zijnen Naem onderteekent ende zijn secrete Seghel daer beneffens laten drucken in placcaet binne der Stede van Anclwerpen opten 3. Maio 1579. onderteekent Guillaum de Nassau / noch leger stont gesz by beuele van zijn Excell. onderteekent M. Brummer.

Op hynden den 1. Junij 1579. vergadert zijnde die volmachtighe banden Steden int Clooster vande Jacopijnen opten Lantsdach binnen Leutwerden / nae dat spluyden die propositie vande Ghesanten der naerder Vnie van Vtrecht aenghehoort hadden / ende eenighe wt haerlieder volmachtighe vande voorsz Steden / tot versoecke vande voorsz Ghesanten gedeputeert hebben ghehadt / omme wt aller name naerder met den voorsz Ghesanten te communiceren / ende die Poincten ende Artikelen vande naerder Vnie voorsz te visiteren / welcke ghedaen zijnde / ende ghehoort hebbende het rappoirt van hun mede volmachtighen / verclaren alle die volmachtighe vande Steden / die dese onderteekent hebben wt crachte van haerlieder procuratien / die spluyden gheaduoneert gheapprobeert ende gheratificeert hebben alle die voorsz Poincten ende Artikelen vander Vnie voorsz / aduoperen / etc. midts desen / belouende als dandere Bontghenoten de selue ende een peder pinct vanden soo wel van tghene dat hier inne te vooren ghedaen is / ende noch wt crachte vande seluighe ghedaen sal worden / bysonder t onderhouden / nae te gaen ende achtervolghen : Des toirconde hebben die voorsz volmachtighe vande Steden haerlieder handen hier ondergestelt ten dage / Maent ende Jare als bouen: Ende was onderteekent met de namen hier nae volghende by diuersche handen gheschreuen : Julius van Bottenpa volmacht van Francker / J. Verpen Henricksz volmacht van Francker / Henrick Jarichsz als mede volmacht van Leutwerden / Jan Janz als gesubstitueert van Aldre / Lammert die procuratie hadde ende van huys gereyft was / Claes Hotchijsz van wegghen den Raet der Stede Sneke / Pieter Liebensz van wegghen der ghemeente der Stede Sneke / Jacob Sniertsz als volmacht van Bolswert / Frans Jacob Frekehsz van wegghen die van Bolswert / Wanne Pietersz als volmacht vande Borghemeesters der Stede Alst / Jeltze van Gala-

ma als mede volmachtich van Vlt/ Remier Olfetsz van Scaberen/Willem Sippasz volmacht van Sloten/Johannes Bottegh Borghemeester van Worcum ons volmacht/ Donne Abbessz volmacht van Worcum.

Alsoo wy Georrg van Lalaing / Grabe tot Rummenberch / by ende Vanreheere tot Vile / Heere tot Villeroe/ Ambrechies/ Stadtholder ende Capiteyn generael ouer Vries-Landt / Overysel/Groeninghen/den omlanden Drente ende Linghen / Hoofst van zijne Maesteyt Financien / tot conseruatie ende handthoudinghe der ghemeene weluaert / Rechten ende bygheden der Nederlanden orbaerlick / ende hoochnoodich beuonden hebben alle goede byntschap / eenicheyt ende eendracht onder den Provincien der selver Landen ende onder onsen goubernemente staende oock onder de steden ende besondere Leden van dien / onderhouden te worden/waer deur niet alleene die ghemeene Vpandt / met meerder gheweldt / ghemeyne macht ende onderlinghe bystandt weder ghestaen ende afghekeert : maer hem oock die middelen benomen soude worden van tusschen die selve Provincien / steden ofte leden van dien eenich onverstandt ofte tweedracht te saepen of te maken/ dooz oorsake van onderscheyt van Religie / als anders / in wat manieren t selve soude moghen gheschien. Soo ist dat wy ghesien hebbende sekere Vnie ende verbont in verleden Somer tot Arnhem in onse presencie / ende met onse aduys gheconcipteert ende in Januario lestleden tot Vtrecht ghemaecht / ende ghesloten tusschen den welgebozen Heeren Grabe Johan van Nassau/ Stadtholder vanden Furstendomme van Gelre ende Graeffschappe Zutphen/oock die van Hollant/Zeelant / Vtrecht Vriessche Omlanden ende anderen/ midtsgaders sekere acte van approbatie ende aenneminghe der voorsz Vnie / by mijn Heere den Prince van Oraengien/Lieutenant generael vanden Ertshertoge Mathias/gouverneur generael vande voorsz Nederlanden / in date den 3. Maij/1579.de selve Vnie gheratificeert / gheapprobeert / gheaduopeert ende aengenomen hebben/ratificeren/approberen / aduoperen ende nemen aen midts dese / vooz seker achtende erde houdende/dat inde selve de overheyt ende auctoriteyt der Hoocheyt vande Ertzhertoghe niet vercozt noch vermindert en wort : Belobende als d ander Bontgenoten / de selve ende yder point van dien t onderhouden/nae te gaen ende t achteruolghen : Des t'oirconde soo hebben wy dese met onse handt ondertekent ende onse secreet segghel

segghel in forme van placact hier beneffens doen drucken / Actum
t'Winse inden Omlanden den 11. Junij 1579. onder stont gheschre-
uen Georſg van Lalaing.

Op hunden den 10. Julij 1579. zijn inde vergaderinghe vande
voorz Gedeputeerden binnen Vtrecht vergadert / ghecompareert
die Gedeputeerden vander Stede van Ipren / namentlick d'Heer
Johan van Languedul Wethouder / ende M. Peter Baelde
Pensionaris der voorsz Stede van Ipren / die verclaerden dat sy
gheuiseert hebbende die poincten ende Articulen vande voorsz
Onie / ende t'ghene in crachte van dien voorder is ghebesoigneert /
tselue goet gevonden / ende hebben die selue alsulck in crachte van
haerlieder brieuen van credentie ende procuratie in date den 23.
Junij 1579. gheaduopeert / gheapprobeert ende gheratificeert : ad-
uoperen / etc. by desen : belouende als dandere Vontgenoten dselue
ende yder Poinct van dien bysonder tonderhouden / naer te gaen
ende achtervolghen : Des tourconde hebben die voorsz Ghedepu-
teerden der Stede van Ipren haerlieder handen hier onder gestelt
ten Daghe / Maendt ende Jare als bouen / onderteckent Johan van
Languedul / M. Peter Baelde.

Op hunden den 29. Julij / 1579. sijn inde vergaderinghe vande
voorz Ghedeputeerden der naerder ghevniteerde Provincien bin-
nen Vtrecht vergadert die ghecommiteerden vander Stadt van
Antwerpen / namentlick / Heer Janne van Stralen huypen Vo-
ghemeester / Joncker Philipsse van Schoonhouen Heer tot Wan-
ron Schepene / Johan van Brecht oude Schepene / Adam Ver-
hult Colonnell / Valerius van Dale / ende Jan Gijssels Deken / die
verclaerden dat sy gheuiseert hebbende die Poincten ende Arti-
culen vande voorsz Onie / ende t'ghene in crachte van dien voorder
is ghebesoigneert / tselue goet gevonden hebben / de selue alsulck in
crachte van hare procuratie in date den 22. Julij / ende brieuen van
credentie in date den 23. Julij 1579. gheaduopeert / gheapprobeert
ende gheratificeert : aduoperen / approberen ende ratificeren / mits
desen / belouende als dandere Vontgenoten / de selue ende yder
Poinct van dien bysonder tonderhouden / na te gaen ende achter-
volghen : Des tourconde hebben de voorsz Ghedeputeerden vande
voorz Stadt van Antwerpen haerlieder handen hier onder ghe-
stelt / ten Daghe / Maent ende Jare als bouen / ende was onderte-
kent Janne van Stralen / Philips van Schoonhouen / Johan
van Brecht / Adam Verhult / Valerius van Dale / Jan Gijssels.

C 3.

Op

Op huyden den 13. Septembris 1579. zijn inde vergaderinghe bande voorsz Gedeputeerden binnen Vtrecht vergadert/ghecompareert die Ghedeputeerden bande Stede van Breda / namentlijck Godert van Luchtenberch Borghenicester der selver Stede/Godefroy Montens / Schepen ende Lieutenant vanden Colonnell ende oock Capiteyn/ende Christiaen Back Weefmeester en Thienman/die verclaerden dat sy gheuisiteert hebbende die poincten ende Articulen bande voorsz Vnie/ende tghene in crachte vanden vorder is gebesogneert / selue goet gevonden/ende hebben die selue alsulcx in crachte van hare procuratie in date den 10. September 1579. gheaduoneert/gheapprobeert ende gheratificeert:aduonieren / etc. by desen : belouende als d'andere Vontghenoten de selue ende peder Poinct van dien bysonder t'onderhouden / na te gaen ende achtervolghen : Des toirconde hebben die voorsz Ghedeputeerden bande voorsz Stadt van Breda haerlieder handen hier onder ghestelt ten Daghe/Maendt ende Jare als bouen/ondertekent Godert van Luchtenberch / Godert Montens / ende Christiaen Back Frans Sone.

Op huyden den 1. Februarij 1580. Is inde vergaderinghe bande voorsz Ghedeputeerden der naerder gheunieerde Prouincien binnen Vtrecht vergadert / ghecompareert d'Heer Guido du Bruetq Schepen der Stadt van Brugge / de welcke verclaerde dat hy gheuisiteert hebbende die Poincten ende Articulen bande voorsz Vnie / ende tghene in crachte van dien vorder is ghebesogneert t selue goet vonden / ende heeft ouer sulckx bouen alsulcke approbatie der seluer by d'Heer Lieuin Steppe Schepene / ende M. Jacob Vman Pensionaris der seluer Stadt van Brugge / wt crachte van hare beseghelde procuratie in date den 7. Nouembrijs 1579. den 26. der seluer Maendt tot Antwerpen ghedaen wt cracht van credentie ende beseghelde procuratie beyde in date den 25. Januarij 1580. de selue Vnie gheaduoneert/gheapprobeert ende geratificeert:aduoneert/etc. by desen/belouende als dandere Vontgenoten / de selue ende peder Poinct van dien bysonder t'onderhouden / na te gaen ende tachtervolghen : Des t'oirconde heeft de voorsz Gedeputeerde bande voorsz Stadt van Brugge zijn hant hier onder ghestelt ten Daghe/Maent ende Jare als bouen/ondertekent Guido du Bruetq.

Op huyden den 1. Februarij 1580. Is inde vergaderinghe bande voorsz Ghedeputeerden der naerder gheunieerde Prouincien binnen

binnen Utrecht vergadert / ghecompareert Jonckheer Wouter
 vander Hecke Schepen s' Lants vande Wyen / de welcke ver-
 claerde dat hy gheuisteert hebbende die Poincten ende Articulen
 vande voorsz Vnie / ende tghene in crachte vanden border is ghe-
 besoigneert / selue goet vont / ende heeft ouersulcx bouen alsulcke
 approbatie der seluer by Meester Wsenbrant Wrouyn Pensiona-
 ris r'voorsz Lants vande Wyen / wt cracht van sijne beseghelde
 procuratie in date den 17. Octobris 1579. den 26. Nouembis tot
 Antwerpen ghedaen / wt crachte van sijne beseghelde procuratie
 in date den 23. van Lanwe deses lopende Jaers / ende brieuen van
 credentie in date den 25. der seluer Maent / de selue Vnie ghead-
 bopeert / gheapprobeert ende geratificeert : aduopeert / approbeert
 ende ratificeert by desen : Belouende als andere Wontghenoo-
 ten de selue ende yder poinct vanden bysonder naer te gaen ende
 t'achtervolghen : Des ten oircondt heeft die voorsz Ghedeputeer-
 de des voorsz Landts vande Wyen sijn handt hier onderghestelt
 ten Daghe / Maent ende Jare als bouen / ondertekent Wouter
 vanden Hecken.

FINIS.



